

續
目
本
紀

四

加

冊 數	一 部	第 一 冊	第 一 部	第 一 冊	第 一 部
	滋賀縣立膳所中學校				

門 號
函 段
號

1342
vol 4

續日本紀卷第七

起靈龜元年九月盡養老元年十二月

從四位下行民部太輔兼左兵衛督皇太子學士臣官野朝臣真道等奉 勅撰

日本根子高瑞淨足姬天皇

元正天皇 第四十四

日本根子高瑞淨足姬天皇 天淳中原瀛真

人天皇之孫日並知皇子尊之皇女也 天皇

神識沉深言必典禮 ○九月庚辰受禪即位于

大極殿 詔曰朕欽策禪命不敢推讓履祚登

極欲保社稷粵得左京職所貢瑞龜臨位之初



天表嘉瑞。天地貺施不可不酬。其改和銅八年。爲靈龜元年。大辟罪已下。罪無輕重已發覺未發覺已結正未結正。繫囚見徒咸從赦除。但謀殺六訖私鑄錢強竊三盜及常赦所不原者。並不在赦限。親主已下及百官人并京畿諸寺僧尼天下諸社祝部等賜物各有差。高年鰥寡獨疾之徒不能自存者。量加賑恤。孝子順孫義夫節婦表其門閭。終身勿事免天下今年之租。又

五位已上子孫年二十已上者宜授蔭位。獲瑞人大初位下高田首久比麻呂賜從六位上并絕二十足綿四十屯布八十端。稍二千束。冬十月乙卯詔曰。國家隆泰要在富民。富民之本務從貨食。故男勤耕耘女脩絀織。家有衣食之饒。人生廉耻之心。刑錯之化。爰興太平之風。可致凡厥吏民。豈不勗歟。今諸國百姓未盡彥術。唯趣水澤之種。不知陸田之利。或遭澇旱更

續日本紀卷十
無餘穀秋稼告罷多致饑饉此乃非唯百姓懈
固由國司不存教導宜令百姓兼種麥禾男夫
一人二段凡粟之爲物支久不敗於諸穀中實
是精好宜以此狀通告天下盡力耕種莫失時
候自餘雜穀任力課之若有百姓輸粟轉稻者
聽之○丁丑陸奧蝦夷第三等邑良志別君宇
蘇旆奈等言親族死亡子孫數人常恐被狄徒
抄略乎請於香阿村造建郡家爲編戶民未保

安堵又蝦夷湏賀君古麻比留等言先祖以來
貢獻昆布常採此地年時不闕今國府郭下相
去道遠往還累旬甚多辛苦請於閑村便建郡
家同於百姓共率親族永不闕貢並許之○十
二月己酉朔日有蝕之○己未常陸國久慈郡
人占部御蔭女一產三男給糧并乳母一人
二年春正月戊寅朔廢朝雨也宴五位已上於
朝堂○辛巳地震○壬午授從三位長田王佐

宿祢百足並從四位下。正六位上。猪名真人
法麻呂。多治比真人。廣足。大伴宿祢祖父麻呂
小野朝臣牛養玉師。宿祢人麻呂。美努連。巴麻
呂並從五位下。○二月己酉。令攝津國罷大隅
媛嶋二牧。聽百姓佃食之。○丁巳。出雲國造
外正七位上。出雲臣果安齋。竟奏神賀事。神祇
大副中臣朝臣人足。以其詞奏聞。是日百官齋
焉。自果安至祝部。一千餘人。進位賜祿各

有差。○三月癸卯。割河內國和泉日根兩郡。令
供珍努官。○夏四月癸丑。詔壬申年功臣贈
少紫村國連小依息。從六位下。志我麻呂。贈大
雲星川臣麻呂。息從七位上。黑麻呂。贈大錦下
坂上直熊毛。息正六位下。宗大。贈小錦上。置始
連字佐伎息。正八位下。虫麻呂。贈大錦下文直
成覺息。從七位上。古麻呂。贈直大壹文忌寸知
德息。從七位上。鹽麻呂。贈直大壹九部臣君手。

續日本紀卷七
息從六位上大石贈正四位上文忌寸弥麻呂
息正七位下馬養贈正四位下昔文連大伴息
從七位上粳麻呂贈從五位上尾張宿祢大隅
息正八位下稻置等二十人賜田各有差○戊
午兩霽○甲子割大鳥和泉日根三郡始置和
泉監焉○し丑詔曰凡貢調脚夫入京之日
所司親臨察其備儲若有國司勸課能合上制
則與字育和惠肅清所部之寢不存教諭事有

闕乏則居撫養班方境內荒蕪之科依其功過
必從黜陟又比年計帳具言如功推勸物數足
以掩身然入京人夫衣服破弊菜餚猶多空著
公帳徒延聲譽務為欺謾以邀其譔國郡司如
此朕將何任自今以去宜恤民隱以制所委仍
錄部內豐儉農桑增益言上○壬申以從四位
下大野王為彈正尹從五位下坂本朝臣阿曾
麻呂為參河守從五位下高向朝臣大足為下

總守從五位下榎井朝臣廣國爲丹波守從五位下山上臣憶良爲伯耆守正五位下船連秦勝爲出雲守從五位下巨勢朝臣安麻呂爲備後守從五位下當麻真人大名爲伊豫守○五月し丑制諸國軍團大小毅不得連任郡領三等以上親也其先已任訖轉補他國○庚寅詔曰崇飭法藏肅敬爲本營修佛廟清淨爲先今聞諸國寺家多不如法或草堂始闕爭求額

題幢幡僅施即訖田畝或房舍不脩馬牛群聚門庭荒廢荊棘弥生遂使無上尊像塵穢甚深法藏不免風雨多歷年代絕無構成於事斟量極來崇敬今故併兼數寺合成一區庶幾同力共造更興類法諸國司等宜明告國師衆僧及檀越等條錄郡內寺家可合并財物附便奏聞又聞諸國寺家堂塔雖成僧尼莫任禮佛無聞檀越子孫物攝田畝專養妻子不供衆僧因作

評訟誼擾國郡自今以後嚴加禁斷其所所有財
物田園並須國師衆僧及國司樞越等相對檢
校分明案記充用之日共判出付不得依舊檀
越等專制近江國守從四位上藤原朝臣武智
麻呂言郡內諸寺多割墮區無不造脩虛上冬
籍觀其如此更無異量所有田園自欲專利若
不ハ言正恐致滅法臣等商量人能弘道先哲格
言闡揚佛法聖朝上願方今人情稍薄釋教

陵遲非獨近江餘國亦尔望遍下諸國草弊還
淳更張弛綱仰稱聖願許之○辛卯以駿河甲
斐相摸上総下総常陸下野七國高麗人千七
百九十九人遷于武藏國置高麗郡焉太宰府
言豐後伊豫二國之界從來買成不許往還但
高下尊卑不須無別宜五位以上差使往還不
在禁限又薩摩大隅二國貢進人已經八歲道
路遙曠去來不便或父母老疾或妻子單貧請

限六年相替並許之始徙建元興寺于左京六條四坊○丙午勅太宰府百姓家有藏白錢先禁斷然不道奉隱藏賣買是以鑄錢惡黨多歸奸詐連及之徒陷罪不少宜嚴加禁制無更使若月白鑄搜求納於官司○丁酉制學業藥生等業未成立妄求薦舉如是之徒今以去不得補任國博士及醫師○和泉監印弓五千三百七十四

府員六月辛亥正七位上馬史伊麻呂等獻新羅國紫驃馬二疋高五尺○甲子美濃守從四位下笠朝臣麻呂為兼尾張守○乙丑制王臣位下已上以散位六位已下欲充資家者人別六人已下聽之○丁卯始置和泉監史生三人秋七月庚子從四位下阿倍朝臣介閑卒○八月壬子太宰府言帥以下事力依和銅二年六月十七日府各減半給綿自此以來馳使

之凡諸屬官並為辛苦請停綿給丁欲得存濟
許之○甲寅二品志貴親王薨從四位下六人
部王正五位下縣犬養宿祢筑紫監護事親
王天智天皇第七之皇子也寶龜元年追尊
辨御春日宮天皇○癸亥備中國淺口郡犬養
部鴈手昔配飛鳥寺燒鹽戶誤入賤例至是蒙
許免之是日以從四位下多治比真人縣守為
遣唐押使從五位上阿倍朝臣安麻呂為大使

正六位下藤原朝臣馬養為副使大判官一人
少判官二人錄事二人○己巳授
正六位下藤原朝臣馬養從五位下○九月丙
子以從五位下大伴宿祢山守代為遣唐大使
○癸巳正七位上山背甲作客小友等二十一
人訖免雜戶除山背甲作四字改賜客姓○山
未從三位中納言巨勢朝臣萬呂言建出羽國
已經數年吏民少稀狄徒未馴其地膏腴田野

續日本紀卷七
廣寬請令隨近國民遷於出羽國教諭狂狄兼
保地利許之因以陸奥置賜家上二郡及信濃
上野越前越後四國百姓各百戶隸出羽國焉
以從四位下太朝臣安麻呂爲氏長○冬十月
壬戌以從四位下長田王爲近江守重禁內外
諸司薄紗朝服六位以下羅幘頭其武官人者
朝服之袋儲而勿著及幘頭後脚莫過三寸○
十一月乙亥以正五位下夜氣王爲備前守○

辛卯大嘗親主已下及百官入等賜祿有差由
機遠江須機但馬國郡司二人進位一階○閏
十一月癸卯朔日有蝕之○
養老元年春正月乙巳授從三位阿倍朝臣宿
奈麻呂正三位從四位上安八萬王正四位下
無位酒部王坂合部王智努王御原王並從四
位下從五位下高安王門部王葛木王並從五
位上從四位下石川朝臣難波麻呂從四位上

正五位上百濟王良虞從四位下正五位下中
 臣朝臣人足正五位上從五位上大伴宿祢麻
 呂穗積朝臣老多治比真人廣成小野朝臣馬
 養紀朝臣男人並正五位下從五位下賀茂朝
 臣堅麻呂從五位上正六位上佐伯宿祢虫麻
 呂大藏忌寸伎國足余真真人從六位上朝來
 直賀瀆夜並從五位下○戊申授无位伊部王
 從五位下又授從四位上縣犬養橘宿祢三千

代從三位○巳未中納言從三位巨勢朝臣麻
 呂薨ヒス小治ヲハル山朝小德大海之孫タノニカトリ飛鳥朝京アスカノ
 職直大參志丹之子也○二月壬申朔遣唐使
 祠神祇於蓋山之南○辛巳賜太宰帥從三位
 多治比真人池守綾一十疋絹二十疋總三十
 疋綿三百屯布一百端ヲスチ褒善政也○壬午○天
 皇幸難波宮○丙戌自難波至和泉宮○巳
 丑和泉監正七位上堅部使主石前進位一階

工匠役夫賜物有差○庚寅車駕還至竹原
并頓宮○辛卯河內攝津二國并造行宮司及
專當司大少敷等賜祿各有差即日還宮○甲
午遣唐使等拜朝○丙甲制曰除造宮省之外
令外諸司判官例無大少官品宜准令負判官
一人之例又依令一人帶數官者祿從多處給
雖高官无上日若滿學官上日者祿從多處
丁酉以信濃上野越前越後四國百姓各一百

戶配出羽柵戶焉○三月癸卯左大臣正二位
石上朝臣麻呂薨帝深悼惜焉為之罷朝
詔遣式部卿正三位長屋王左大弁從四位上
多治比真人三宅麻呂就弟吊賻之贈從一位
右少弁從五位上上毛野朝臣廣人為太政官
之誅式部少輔正五位下總績朝臣老為五位
已上之誅兵部大丞正六位上當麻真人東人
為六位已下之誅百姓追慕無不痛惜焉大臣

泊瀨朝倉朝庭大連物部目之後 難波朝衛
部大華上字麻乃之子也○巳酉遣唐押使從
四位下多治比真人孫守賜節刀○乙丑制令
外諸司史生等一季賜祿降當司主典祿一等
是當少初位官祿自非才伎別勅一同此例也
○夏四月乙亥遣父勢女主侍于伊勢太神宮
從官賜祿各有差是日發入百官送至京城外
而還以從五位下猪名真人法麻呂爲齋宮頭

丙戌初雨于畿内○癸未太政官奏定調庸
行兩及長短之法語在別式○壬辰 詔曰置
職任能所以教導愚民設法立制由其禁斷奸
非項者百姓乖違法律恣任其情剪髮髡髮輒
著道服貌似桑門情挾奸盜詐偽所以生姦冗
自斯起一也凡僧尼寂居寺家受教傳道准令
云其有乞食者三綱連署午前捧鉢告乞不得
因此更乞餘物方今小僧行基并弟子等零疊

續日本紀卷七
街衢妄說罪福令構朋黨焚剝指臂歷門假說
強乞餘物詐稱聖道妖惑百姓道俗擾亂四民
棄業進違釋教退犯法令二也僧尼依佛道持
神咒救病徒施湯藥而療痼病於令聽之方今
僧尼輒向病人令家詐禱幻性之情戾執巫術
逆占吉凶恐脅耆穉稍致有求道俗無別終生
齟亂三也如有重病應救請淨行者經告僧綱
三綱連署期日令赴不得因茲逗留延日實由

軍司不加嚴斷致有此弊自今以後不得更然
布告村里勒加禁止○甲午因天皇御西朝大
隅薩摩二國隼人等奏風俗歌儻授位賜祿各
有差○乙未以從五位上上毛野朝臣廣人爲
太倭守從四位下賀茂朝臣吉備麻呂爲河內
守○五月辛丑日制諸國織綾以六丁成定
丁未令上總信濃二國始貢純調○丙辰詔
曰率土百姓浮浪四方規避課役遂仕王臣或

望資人或求得度。主臣不經本屬私自馳使。囑請國郡遂成其志。因茲流宿天下。不歸鄉里。若有斯輩。輒私容止者。揆狀科罪。並如律令。又依令。僧尼取年十六已下。不輸庸調者。聽為童子。而非經國郡不得輒取。又少丁已上。不須聽之。○辛酉。以太計帳四季帳。六年見丁帳。青苗薄。輸租帳等式。頒下於七道諸國。○乙丑。以從四位下大伴宿禰男。人為長門守。○六月己巳朔。

右京職言素性仁斯。一產三女。賜衣糧并乳母一人。自四月不雨。至千是月。○秋七月己未。加左右京職史生各四員。○庚申。以沙門辨正為少僧都。神穀為律師。賜從五位下。紀朝臣清人穀一百斛。優學士也。○八月庚午。正三位安倍朝臣宿奈麻呂言。正七位上池田臣萬呂。本系同族。實非異姓。追尋親道理。須改正。請賜安倍池田朝臣姓。許之。○甲戌。遣從五位下多治比。

真人廣足於美濃國造行宮。○九月癸卯從五位上ササケノイミキ。臺忌寸少麻呂言。因居命氏從來恒例。是以河內忌寸因邑被氏。其類不一。請少麻呂率諸子弟改換臺氏蒙賜。世本姓許之。○丁未。天皇行幸美濃國。○戊申。行至近江國觀望淡海山陰道。伯耆以來山陽道。備後以來南海道。讚岐以來諸國司等。詣行在所奏土風歌舞。○甲寅。至美濃國東海道。相摸以來東山道。倍濃

以來北陸道。越中以來諸國司等。詣行在所奏風俗之雜伎。○丙辰。幸當耆郡。多度山美泉。賜從駕五位已上物。各有差。○戊午。賜從駕主典已上及美濃國司等物。有差。郡領已下雜色四十人。進位一階。文免。不破當耆二郡。今年田租及方縣務義二郡百姓。供行宮者。租。○癸亥。還至近江國。賜從駕五位已上及近江國司等物。各有差。郡領已下雜色四十餘人。進位一階。

又免志我依智二郡今年田租及供行宮百姓
之租○甲子車駕還宮○冬十月戊寅正三位
阿倍朝臣宿奈麻呂正四位下安八萬王從四
位下酒部王坂合部王智努王御原王百濟王
良真中臣朝臣人足等益封各有差○丁亥以
從四位下藤原朝臣房前參議朝政○十一月
丁酉朔日有蝕之○甲辰高麗百濟二國士卒
遭本國亂投於聖化朝庭憐其絕域給徭終身

又遣唐使水手已上一房徭役咸免又九等戶
以賤多少勿長准財爲定矣○丙午賜故左大
臣從一位石上朝臣麻呂弟純一百疋絲四百
絢白綿一千疋布二百端○癸丑天皇臨軒
詔曰朕以今年九月到美濃國不破行宮留連
數日因覽當耆郡多度山美泉自盥手面皮膚
如滑亦洗痛處無不除愈在朕之躬其驗又就
而飲浴之者或白髮反黑或頰髮更生或闇目

如明自餘痼疾咸皆平愈昔聞後漢光武時醴泉出飲之者痼疾平愈符瑞書曰醴泉者美泉可以養老蓋水之精也寔惟美泉即合太瑞朕雖痛虛何違天貺可大赦天下改靈龜三年為養老元年天下老人年八十已上授位一階若至五位不在授限百歲已上者賜純三疋綿三疋布四端粟二石九十已上者純二疋綿二疋布三端粟一斛五十已上者純一疋綿一

疋布二端粟一石僧尼亦准此例孝子順孫義夫節婦表其門閭終身勿事鰥寡惇獨疾病之徒不能自存者量加賑恤仍令長官親自慰問加給湯藥亡命山澤蕪禁兵器百日不首復罪如初又美濃國司及當耆郡司等加位一階又復當耆郡來年調庸餘郡庸賜百官人物各有差女官亦同○癸丑授美濃守從四位下笠朝臣麻呂從四位上正六位下藤原朝臣麻呂從

五位下 ○戊午

詔曰國輸絹純貴賤有差長

短不等或輸絹一丈九尺或輸純一丈一尺長

者直貴短者直賤事須安穩理應均輸熊有精

鹿賤無貴賤不可以一槩強貴賤之理布雖有

端稍有不便宜隨便用更定端限所司宜量一

丁輸物作安穩條例自今以後宜蠲百姓副物

及中男正調其應供官主用料等物所司宜支

度年別用度並隨鄉土所出付國役中男進若

中男不足者即以料役雜徭於是太政官議奏

精麁絹純綿長短廣闊之法語在格中 ○丁

巳 車駕幸和泉離宮免河內國今年調賜國

司祿有差 ○十二月壬申太政官処分始授五

位及從外任遷京官者會賜祿且仍入賜例 ○

丁亥令美濃國立春曉挹醴泉而貢於京都爲

醴酒也

從五位上道君首各正五位下。正六位上坂合部宿祢賀佐麻呂久米朝臣三阿麻呂當麻真入東人高橋朝臣安麻呂巨勢朝臣足人縣犬養宿祢石足大伴宿祢首村國連志賀麻呂王仲文並從五位下。○二月壬申行幸美濃國醴泉。甲申從駕百寮至于興下賜絕布錢有差。○己丑行所經至美濃尾張伊賀伊勢等國郡司及外散位已上授位賜祿各有差。○三月戊

戌車駕自美濃至。○乙巳以正三位長屋王安倍朝臣宿奈麻呂並為大納言。從三位多治比真人池守從四位上巨勢朝臣祖父大伴宿祢旅人為中納言。○乙卯以少納言正五位下小野朝臣馬養為遣新羅大使。○夏四月乙丑朔從四位下佐伯宿祢百足卒。○丙辰筑後守正五位下道君首名卒。首名少治律令曉習吏職和銅未出為筑後守兼治肥後國勸人生業。

爲制修教耕營頃畝樹菓菜下及雞豚皆有章
程典盡事宜既而時案行如有不遵教者隨加
勘當始者老少竊怨罵之及收其實莫不悅服
一兩年間國中化之又興築陂池以廣溉灌肥
後味生池及筑後往々陂池皆是也由是人蒙
其利于今温給皆首名之力焉故言吏事者咸
以爲稱首及卒百姓祠之○癸酉太政官処分
凡主政主帳者官之判補出灼然而以理解任

更從自丁前勞徒廢後苦實多於義商量其違
道理宜依出身之法雖解見任猶上國府令續
其勞内外散位仍免雜徭○五月甲午朔日有
蝕之○乙未割越前國之羽咋能登鳳至珠洲
四郡始置能登國割上總國之平群安房朝夷
長狹四郡置安房國割常陸國之石城標葉行
方宇太白理菊多六郡置石城國割百河石背
會津安積信夫五郡置石背國割常陸國多阿

郡之鄉二百一十烟名曰菊多郡屬石背國焉
○庚子土左國言公私使直指土左而其道經
伊與國行程迂遠山谷險難但阿波國境出相
接往還甚易請就此國以爲通路許之○甲辰
禁三關及太宰陸奧等國司僉仗取白丁○丙
辰遣新羅使等辭見○庚申定衛士數國別有
差○癸亥從四位上石上朝臣豐庭卒○六月
丁卯令太宰所部之國輸庸同於諸國先是歲

庸至是變事始置大炊寮史生四員○秋八
月甲戌齋官寮公文始用印焉○庚戌以從四
位上藤原朝臣武智麻呂爲式部卿正五位上
穗積朝臣老爲太輔從五位下中臣朝臣東人
爲少輔從五位下波多真人與射爲負外少輔
○甲寅遷法興寺於新京○冬十月庚午太政
官告僧綱曰智鑒冠時衆所推讓可爲法門之
師範者宜舉其人顯表高德又有請益無倦繼

踵於師材堪後進之領袖者亦錄名臚舉而牒
之。五宗之學三藏之教論討有異辨談不同自
能該達宗義最稱宗師每宗舉人並錄次德根
有性分業亦應細宜隨性分皆令就學凡諸僧
徒勿使浮遊或講論衆理學習諸義或唱誦經
文修道禪行各令分業皆得其宗表章智德顯
紀行能所以燕石楚璞各分明輝虞韶鄭音不
新聲曲將湏象德定水瀾波澄於法襟龍智惠

燭芳照聞於朝聽加以法師非法還墜佛教是
金口之所深誠道人違道輒輕皇憲亦玉條之
所重禁僧細宜迴靜豎能叶清誠其居非精舍
行乖練行任意入山輒造菴窟混濁山阿之清
雜煙煙霧之彩文經曰是色告穢雜市里情雖
逐於和光形無別于窮乞如斯之輩慎加禁喻
○庚辰太宰府言遣唐使從四位下多治比真
人縣守來歸○十一月壬寅彗星守月○癸丑

始差畿内兵士守衛宮城○十二月丙寅詔
 曰朕度美寶位仰憑霄構君臨天下四年于茲
 上則昊穹下字黎庶庸愚之民自挂踈網有司
 之法寘于常憲每念於此朕甚愍焉思欲廣開
 至道遐扇淳風為惡之徒感深仁以遷善有犯
 之輩遵令軌以靡風但自昔及今雜言大赦唯
 該小罪八虐不霑朕恭奉為太上天皇思降非
 常之澤可大赦天下養老二年十二月七日子

時已前太辟罪已下罪死輕重繫囚見徒私鑄
 錢并盜人及八虐常赦所不原咸赦除之其廢
 疾之徒不能自存量加賑恤仍令長官親自慰
 問兼給湯藥僧尼亦同布告天下知朕意焉○
 壬申多治比真人縣守等自唐國至○甲戌進
 節乃此度使人畧無關亡前年大使從五位上
 坂合部宿祢大分亦隨而來歸
 三年正月庚寅朔大風也以舶二艘獨底船十

艘充太宰府○辛卯天皇御大極殿受朝從四位上藤原朝臣武智麻呂從四位下多治比真人縣守二人贊引皇太子也○巳亥入唐使等拜見皆著唐國所授朝服○壬寅授從四位下路真人大人早勢朝臣龟治原川朝臣難波麻呂大伴宿祢旅人多治比真人三宅麻呂藤原朝臣武智麻呂從四位下多治比真人縣守並正四位下從四位下阿倍朝臣首名石川朝

臣石足藤原朝臣房前並從四位上正五位下小治田朝臣安麻呂縣犬養宿祢筑紫大伴宿祢山守藤原朝臣馬養並正五位上從五位上坂合部宿祢大分阿倍朝臣安麻呂並正五位下正六位上三野真人三嶋吉智首角兄麻呂正六位下入野朝臣東人小野朝臣老酒部連相武從六位下板持連內麻呂從六位下石上朝臣堅魚佐伯宿祢鳥養大宅朝臣小國笠朝

臣御室並從五位下。○し己正四位下安八萬
王卒。○二月壬戌初令天下百姓右襟職事主
典已上把勢其五位以上牙旁散位亦聽把勢
六位已下木笏。○甲子正三位粟田朝臣真人
薨。○己巳遣新羅使正五位下小野朝臣馬養
等來歸。○庚午行幸和泉宮。○丙子車駕還
宮。○三月辛卯始置造藥師寺司史生二人。○
乙卯地震。○夏四月丁卯秦朝臣元賜忌寸姓

○し酉制諸大小殺量其任與主政同自今以
後爲判官任。○丙戌分志摩國塔志郡五鄉始
置佐藝郡。○五月己丑朔日有蝕之。○乙未新
羅貢調使級食金長言等四十人來朝。○癸卯
無位紀臣龍麻呂等十八人從七位上巨勢斐
太臣大男等二人從八位上中臣習宜連笠麻
呂等四人從六位上中臣熊凝連古麻呂等七
人從八位下榎井連持麻呂並賜朝臣姓大初

續日本紀卷八
位下若湯坐連家主正八位下呵力連人足等
三人並賜宿祢姓无位二人部此人等二人賜
文忌寸姓從五位下板持史内麻呂等十九人
賜連姓○辛亥制定諸國貢調短絹狹絕鹿狹
絹美濃狹絕之法各長六丈濶一尺九寸○六
月丁卯皇太子始聽朝政焉○庚午從四位上
平郡女主卒○辛未初令諸國史生主政主帳
太少毅把笏焉○癸酉制穀之爲物經年不腐

自今以後稅及雜稻必爲穀而收之○丙子令
神祇官宮主左右六舍人寮別勅長上畫土司
畫師雅樂寮諸師造宮省主計寮主稅寮竿師
典藥寮乳長上左右衛士府醫師左右馬寮馬
醫等始把笏焉從四位下借馬女主卒○秋七
月辛卯初置祓出司○丙申遷東海東山北陸
三道民二百戶配出羽柵焉○庚子從六位上
賀茂役首石穗正六位下千羽三千石等一百

六十人賜賀茂役君姓始置按察使令伊勢國
守從五位上門部王管伊賀志摩二國遠江國
守正五位上大伴宿祢山守管駿河伊豆甲斐
三國常陸國守正五位上藤原朝臣宇合管安
房上総下総三國美濃國守從四位上笠朝臣
麻呂管尾張參河信濃三國武藏國守正四位
下多治比真人縣守管相摸上野下野三國越
前國守正五位下多治比真人廣成管能登越

中越後三國丹波國守正五位下小野朝臣馬
養管丹後但馬因幡三國出雲國守從五位下
息長真人臣足管伯耆石見二國播磨國守從
四位下鴨朝臣吉備麻呂管備前美作備中淡
路四國伊豫國守從五位上高安王管阿波讚
岐土佐三國備後國守正五位下大伴宿祢宿
奈麻呂管安藝周防二國其所管國司若有非
違及侵濠百姓則案察使親自巡省量狀黜陟

其徒罪以下、斷決、流罪以上、錄狀奏上。若有聲
教條脩部内肅清具記善最言上。○乙巳太宰
太貳正四位下路真人大人卒。○丙午補察察
使典。○閏七月癸亥新羅使人等獻調物并驛
馬牡牝各一疋。○丁卯賜宴於金長言等國王
及長言等祿有差是日以大外記從六位下白
猪史廣氏爲遣新羅使。○辛未散位從四位上
忌部宿祢子人卒。○癸酉金長言等還蕃。○丁

丑石城國始置驛家十处。○甲申賜無位紀
臣廣前朝臣姓。○八月己丑有司処分別勅才
伎長上者任職事貢與初任同。○癸巳遣新羅
使白猪廣成等拜辞。○九月癸亥以正四位下
多治比真人三宅麻呂爲河内國攝官正四位
下巨勢朝臣邑治爲攝津國攝官正四位下大
伴宿祢旅人爲山背國攝官。○丁丑詔給天
下民户陸由一町以上二十町以下輸地子段

粟三升也。六道諸遭旱飢荒，開義倉賑恤之。○
辛巳，始置衛門府醫師一人。○冬十月癸巳，大
和國人腹太得麻呂，姓改葛。○戊戌，減定京畿
及七道諸國軍團分，大少毅兵士等數有差，但
志摩若狹淡路三國兵士並停。○辛丑，詔曰
開闢已來，法令尚矣。君臣定位，運有所屬。洎于
中古，雖由行未彰，綱目降于近江之世，改張悉
備。迄於藤原之朝，頗有增損。由行連改以爲恒

法。由是摯遠祖之正典，考列代之皇綱，兼纂洪
緒。此皇太子也。然年齒猶稚，未開政道。但以
握鳳曆而登極，御龍圖以臨機者，猶資輔佐之
才。乃致太平，必由羽翼之功。始有安運，况乃舍
人新田部親主百世松桂，本枝合於昭穆。万雉
城石，維磐重乎國家。理湏吐納，清直能輔洪胤。
資扶仁義，信翼幼齡。然則太平之治可期，隆泰
之運應致。可不慎哉。今二親王宗室年長在朕

既重實加廢賞深渾旌異然崇德之道既有舊
貫貴親之理豈無於今其賜一品舍人親王內
舍人二十人大舍人四人衛士三十人益封八百
戶通前二千戶二品新田部親王內舍人二十人
大舍人四人衛士二十人益封五百戶通前一千
五百戶其舍人以供左右雜使衛士以充行路
防禦於戲欽哉以副朕意焉凡在卿等並宜聞
知○十一月己卯朔詔僧綱曰朕聞優鈍宗

智有國者所先勸善導學爲君者所務於俗既
有於道且然補教法師幼而卓絕道性夙成撫
翼法林濡鱗定水不踐安遠之講肆學達二空
未漱澄沍之言阿智周二諦由是服膺請業者
已智實歸函丈挹教者悉成宗匠道慈法師遠
涉蒼波震異聞於絕境遐遊赤縣研妙機於秘
記黍跡象龍旅莫秦漢並以戒珠如懷滿月慧
水若寫滄濱儻使天下桑門智行如此者豈不

殖善根之福田。渡苦海之寶筏。朕每嘉歎不能
已也。宜施食封各五十戶。並標揚優賞。用彰有
德。○辛酉少初位上朝妻子午人龍麻呂賜海
語連姓。除雜戶号。○戊寅少初位下河内午
大足賜不下譯姓。忍海午人廣道賜久米直姓。
並除雜戶号。○十二月乙酉。式部民部兵部
刑部大藏宮内春宮印各一面。○戊子始制定
婦女衣服樣。○庚寅始以外六位内外初位及

勲七等。子年二十以上。為位分。資入。八年一替
又五位已上。家補事業防閑伏身。自是始矣。○
戊戌停備後國安那茨城葦田郡常城。
四年春正月甲寅朔。太宰府獻白鳩。宴親王及
近臣於殿上。極歡而罷。賜物有差。○丁巳始授
僧尼公驗。○甲子授正五位下大伴宿祢奈麻
呂大伴宿祢道足多治比真人廣成並正五位
上。從五位上三國真人。人足阿倍朝臣秋麻呂

佐味朝臣加佐麻呂。上毛野朝臣廣人。大伴宿
祢午養並正五位下。從五位下民忌寸于志比
車持朝臣益阿倍朝臣駿河山田史三方忍海
連人成樓井朝臣廣國中臣朝臣人上鍛冶造
大隅石川朝臣若子並從五位上正六位上佐
伯宿祢智連猪名真人石楯下毛野朝臣麻呂
兼乃真人廣道高向朝臣人足石川朝臣夫子
多治比真人占部縣大養宿祢石次當麻真人

老阿倍朝臣若足巨勢朝臣麻呂正六位下田
中朝臣稻敷並從五位下。是日白虹南北竟天。
○庚午癸惑逆行。○丙子遣渡嶋津輕津司從
七位上諸君鞍男等六人於靺鞨國觀其風俗。
○庚辰始置授刀舍人寮醫師一人。大納言正
三位阿倍朝臣宿奈麻呂蒙後四本朝筑紫太
宰帥大錦上比羅夫之子也。○二月乙酉令檢
校造器二司造擇奠器充大膳職大炊寮。○壬

子太宰府奏言隼人反殺大隅國守陽侯史麻呂
三月丙辰以中納言正四位下大伴宿禰旅人爲征隼人持節大將軍授力助從五位下
笠朝臣御室民部少輔從五位下巨勢朝臣真人爲副將軍○癸亥勅度三百二十人出家
○甲子有勅特加右大臣正二位藤原朝臣不比等授力資人三十人○己巳太政官奏比來百姓例多少至於公私不辨者衆若不量

家道難存望請比年之間令諸國每年春初出稅貸與百姓繼其產業至秋熟後依數徵納其稻既不息利令當年納足不得延引穀有連懸又除租稅外公稻授充國用一槩利恐其頓望請令諸國每年出舉十束取利三束仍令當年本利俱納又百姓之間負稻者多緣無可還類經歲月若致切徵因即迸散望請限養老二年以前無論公私皆從放免庶使貧乏百姓各存

家業又謹檢和銅四年十一月二十日勅出舉
私稻者自今以後不得過半倍而比來出舉多
不依法若臨時徵索無稻可償者今其子姪易
名重舉依此奸計取利過本積習成俗深非道
理望請其稻雖經多年仍不過半倍又檢養老
二年六月四日案内云庸調運脚者量路程遠
近運物輕重均出戶內脚將資行人勞費者批
案唯言運送庸調脚直百餘雜物送京未有庸

分但百姓運物入京事了即令早還為無歸國
程糧在路極艱辛望請在京貯備官物每因公
事送物還准程給糧庶免飢弊早還本土又無
知百姓不開條章規避徭役多有逃亡涉歷他
鄉積歲忘歸其中縱有悔過還本貫者緣其家
業散失無由存濟望請逃經六年以上能悔過
歸者給復一年繼其產業奏可之改按察使典
号記事○乙亥按察使向京及巡行屬國之日

乘傳給食因給常陸國十尅遠江國七尅伊豆
出雲二國鈐各一〇夏四月庚戌制三位已上
妻子及四位五位妻並聽服蘓芳也〇五月辛
酉制皇親服制者以王孫准二位疎親准六位
焉〇壬戌改白猪史氏賜葛井連姓〇癸酉太
政官奏諸司下國小事之類以白紙行下於理
不穩更請內印恐煩聖聽望請自今以後文武
百官下諸國符自非大事差逃走衛士仕丁替

修日
本經
事

及催年料廻殘物并兵衛采女養物等類事便
以太政官印印之奏可之頒尺樣于諸國先是
一品舍人親三奉勅修日本紀至是功成奏上
紀三十卷系圖一卷〇乙亥給伊豆駿河伯耆
國三尅鈐各一〇六月壬辰文部黑麻呂等十
一人賜文忌寸姓〇戊戌詔曰蠻夷爲害自
古有之漢命五將矯胡臣服周勞再駕荒俗來
王今西隅等賊怡亂逆化屢害良民因遣持節

將軍正四位下中納言兼中務卿大伴宿祢旅
人誅討其罪盡彼巢居治兵率衆剪掃兇徒曾
帥面縛請命下吏寇黨叩頭爭靡敦風然將軍
暴露原野又延旬月時屬盛夏豈無艱苦使使
慰問宜念忠勤○甲辰始置神祇官史生四員
○戊申河內國若江郡人正八位上河內午人
刃子作廣麻呂改賜下村生免雜戶号○已
酉漆部司令史從八位上大部路忌寸石勝

丁未大麻呂坐盜司漆並斫流罪於是石勝
祖父麻呂年十二安頭麻呂年九乙麻呂七同
言內父石勝爲養已等盜用司漆緣其所犯役
遠方祖父麻呂等爲慰父情冒死上陳請配兄
弟三人役爲官奴贖父重罪詔曰人稟五常
仁義斯重士有百行孝敬爲先今祖父麻呂等
役身爲奴贖父犯罪欲存骨肉理在矜愍宜依
旃請爲官奴即免父石勝罪但大麻呂依刑部

斷發配處○秋七月甲寅賜征西將軍已下至
于抄土物各有差○壬申免祖父麻呂安頭麻
呂等從良焉○八月辛巳朔右大臣正二位藤
原朝臣不比等病賜度三十人詔曰右大臣
正二位藤原朝臣亦疾漸留寢膳不安朕見疲
勞惻隱於心思其平復計無所出宜大赦天下
以救所患養老四年八月一日午時以前大辟
罪已下罪無輕重已發覺未發覺已結正未結

正繫因見徒私鑄錢及盜人并八惠常赦所不
免咸悉赦除其癡疾之徒不能自存者量加賑
恤因令長官親自慰問量給湯藥勤從寬優僧
尼亦同之○壬午令都下四十八寺一日一夜
讀藥師經免官戶十人爲良除奴婢十人
從官戶爲救右大臣病也○壬辰勅征集人未
平宜留而已屯焉○癸未詔治部省奏授公
驗僧尼多有濫收唯成學業者一十五人宜授

右大臣
下元等

公驗自餘停之是日右大臣正二位藤原朝臣
不比等薨帝深悼惜焉為之廢朝舉哀內寢特
有優勅吊賻之禮異于群臣大臣近江朝內
大臣大織冠鎌足之第二子也○甲申詔以
舍人親主為知太政官事新田部親主為知五
衛及授刀舍人事○丁亥詔諸內印自今以
後應作兩本一本進內一本施行○九月庚戌
朔日有蝕之○辛未諸國申官公文始乘驛言

上○丁丑陸奧國奏言蝦夷反亂殺案察使正
五位上上毛野朝臣廣人○戊寅以播磨案察
使正四位下多治比真人縣守為持節征夷將
軍左京亮從五位下下毛野朝臣石代為副將
軍軍監三人軍曹二人以從五位下阿倍朝臣
駿河為持節鎮狄將軍軍監二人軍曹二人即
日授節刀○冬十月戊子以從四位上石川朝
臣石足為左大弁從四位上笠朝臣麻呂為右

大弁從五位上中臣朝臣東人爲右中弁從五位下小野朝臣老爲右少弁從五位下大伴宿祢祖父麻呂爲式部少輔從五位下巨勢朝臣是人爲負外少輔從五位上石川朝臣若子爲兵部大輔正五位上大伴宿祢道足爲民部大輔從五位下高朝臣大足爲少輔從五位上車持朝臣盜爲主稅頭從五位上鍛冶造大隅爲刑部少輔從五位下阿倍朝臣若足爲大藏少

輔從五位下高橋朝臣安麻呂爲宮内少輔從五位下當麻真人老爲造宮少輔從五位下縣犬養宿祢石次爲彈正弼從五位下大宅朝臣大國爲攝津守從五位下高向朝臣人足爲尾張守從五位上忍海連人成爲安木守○丙申始置養民造噐及造興福寺佛殿三司○壬寅詔遣大納言正三位長屋王中納言正四位下大伴宿祢旅人就右大臣第宣詔贈太政大臣

正一位○十十月丙辰南鳴人二百三十二人
授位各有差懷遠人也○シ支河內國堅下堅
上二郡更号大縣郡○十二月己亥 詔除春
官坊少屬少初位上朝妻金作大歲同族河麻
呂二人并男女雜戶籍賜大藏池上君姓河麻
呂河合君姓○癸卯 詔曰釋典之道教在甚
深轉經唱礼先傳恒規理合遵業不須輒改比
者或僧尼自出方法妄作別音遂使後生之輩

積習成俗不肯變正恐汗法門從是始乎宜依
漢沙門道榮學問僧勝曉等轉經唱礼餘音並
停之

五年春正月戊申朔武藏上野二國並獻赤鳥
甲斐國獻白狐尾張國言小鳥生大鳥○己酉
制諸司官人於本司次官以上致敬常所聽許
自今以後不得更然若違此旨一人到邪門者
到人解官同僚降考○庚戌雷○壬子授正三

位長屋王從二位正四位下巨勢朝臣祖父大
伴宿祢旅人藤原朝臣武智麻呂從四位上藤
原朝臣房前並從三位從四位下六人部王從
四位上從五位上高安王門部王葛木王並正
五位下從五位下櫻井王佐爲王並從五位上
正四位下多治比真人縣守三宅麻呂正五位
上上朝馬養並正四位上從五位下藤原朝臣
麻呂從四位上從五位下下毛野朝臣虫麻呂

吳肅胡明並從五位上以大納言從二位長屋
王爲右大臣從三位多治比真人池守爲大納
言從三位藤原朝臣武智麻呂爲中納言又授
從三位縣犬養禰宿祢三千代正三位○庚午
詔從五位上佐爲王從五位下伊部王正五位
上紀朝臣男人日下部宿祢老從五位上山田
史三方從五位下山上臣憶良朝來直賀須夜
紀朝臣清人正六位上越智直廣江船連大魚

山口忌寸田主。正六位下樂浪河内從六位下
大宅朝臣兼麻呂。正七位上主師宿祢百村從
七位下鹽屋連吉麻呂刀利宣令等退朝之令
待東宮焉。○辛未地震。○壬申亦震。○甲戌
詔曰至公無私國士之常風以忠事君臣子之
恒道焉當須各勤所職退食自公康哉之歌不
遠隆平之基期在災異消上休徵叶下宜文武
庶僚自今以去若有風雨雷震之異各存極言

忠正之志文。詔曰文人武士國家所重醫卜
方術古今期崇宜擢於百僚之內優遊學業堪
為師範者特加賞賜勸勵後生因賜明經第一
博士從五位上鍛冶造大隅正六位上越智直
麻呂廣江各給二十疋絲二十絢布三十端。欽
二十口。第二博士正七位上背奈公行文調忌
寸古麻呂從七位上額田首千足明法正六位
上箭集宿祢重万呂從七位下鹽屋連吉麻呂

文章從五位上山田史御方ミカド從五位下紀朝臣
清人下毛野朝臣虫麻呂正六位下樂浪河內
各繩十五疋。絲十五約布三十端。鍬二十口。竿ササ
術正六位上山口忌寸田主正八位上悉悲連三
田次正八位下。私部サヘヒ首石村陰陽從五位上大
津連首從五位下津守連通王仲文角兄麻呂
正六位上余泰勝志我閉連阿弥陀醫術從五
位上吉宜從五位下吳肅胡明從六位下後正

凡太羊甲許母解工正六位上惠我宿祢國成
河內忌寸人足堅部使主石前正六位下賈受
君正七位下賀ハチカダ形朝臣赤麻呂各繩十疋。絲十
約布二十端。鍬二十口。和琴師正七位下文忌
寸廣田唱歌師正七位下大窪史五百足正八
位下記多真玉從六位下螺江臣夜氣女ハハラメ茨田
連刀自女正七位下置始連志祁志女各繩六
疋。絲六約布十端。鍬十口。我藝正七位下佐伯

宿祢式麻呂。從七位下。凡海連與志板安忌寸
犬養正八位下。置始連首麻呂。各絕十疋。絲十
絢布二十端。鐵二十口。○丙子。令天下百姓以
銀錢一當銅鐵二十五。以銀一兩當一百鐵。行
用之。○二月甲申。地震。○壬辰。大藏省倉自鳴。
有聲。○癸巳。日暈如白虹貫暈。南北有珥。因召
見左右大弁及八省卿等於殿前。詔曰。朕德
菲薄。導民不明。夙興以求。夜寐以思。身居紫宮。

心在黔首。無委卿等何化。天下國家之事。有益
萬機。必可奏聞。如有不納。重為極諫。汝無面從。
退。有後言。○甲午。詔曰。世諺云。歲在申年。常
有事故。此如所言。去庚申年。各徵屢見。水旱並
臻。平民流沒。秋稼不登。國家騷然。萬姓苦勞。遂
則朝廷儀表。藤原大臣奄焉。夢迹朕心。哀慟。今
亦去年災異之餘。延及今歲。亦猶風雲氣色。有
違于常。朕心恐懼。日夜不休。然聞之舊典。王者

政令不便事天地譴責以示咎徵。或有不善則致之異。于今臣等位高任大。豈得不罄忠情乎。故有政令不便事。悉陳无諱。直言盡意。无有所隱。朕將親覽。於是公卿等奉勅。詔退各仰屬司。令言意見。三月癸丑。勅曰。朕君臨四海。撫育百姓。思欲家之財積。人之安樂。何期頃者旱澇不調。農桑有損。遂使衣食之短。致有飢寒。言念於茲。良增惻隱。今減課役。用助產業。其左

右兩京及畿內五國。並免今歲之調。自餘七道諸國。亦停當年之役。○乙卯。詔曰。制節謹度。禁防奢滂。所先。百主不易之道也。王卿士及豪富之民。多畜健馬。競求是限。非唯損失家財。遂致相爭鬪亂。其為條例。令限禁焉。有司條奏。依官品之收定。畜馬之限。親主及大臣。不得過二十疋。諸主諸臣。三位已上。十二匹。四位。六疋。五位。四疋。六位已下。至于庶人。三疋。一定以

後隨闕元補若不能騎用者錄狀申所司即按馬帳然後除補如有犯者以違勅論其過品限皆没入官。○辛未以從五位下路真人麻呂爲散位頭以從五位下高橋朝臣廣嶋爲刑部少輔。勅給右大臣從二位長屋王帶刀資人十人。中納言從二位巨勢朝臣邑治大伴宿祢旅人藤原朝臣武智麻呂各四人。其考選一准職分資人。○夏四月丙申分佐渡國雜太郡始置

賀母羽茂二郡分備前國邑久赤坂二郡之鄉始置藤野郡分備後國安那郡置深津郡分周防國熊毛郡置玖珂郡正四位上多治比真人縣守鎮狄。○癸卯令天下諸國舉力田之人。○乙酉征夷將軍正四位上多治比真人縣守鎮狄將軍從五位上阿倍朝臣駿河等還歸。○五月己酉太上天皇不豫太赦天下。○辛亥令七道察察使及太宰府巡省諸寺隨便併合。○壬

子詔曰太上天皇聖體不豫寢膳日換每至
此念心肝如裂因歸依三寶欲令平復宜簡取
淨行男女丁百人入道修道經年堪爲師者雖
非度色並聽得度以絲九千緇施六郡門徒勸
勵後學流傳万祀○戊午右大臣從四位上笠
朝臣麻呂請奉爲太上天皇出家入道勅許之
○乙丑正三位縣犬養宿祢三千代緣入道辭
食封資人優詔不聽○六月戊寅詔曰沙

門法蓮心住禪枝行居法梁尤精鑿術瀛治民
苦善哉若人何不褒賞其僧三等以上親賜宇
佐君姓○乙酉太政官奏言國郡官人漁獵黎
元擾亂朝憲故置按察使糾彈非違肅清姦詐
既定官位宜有料祿請以按察使准正五位官
賜祿并公廩田六町仕丁五人記事准正七位
官祿并公廩田二町仕丁二人並折留調物便
給之詔曰朕之肱股民之父母獨在按察寄

重務繁與群臣異加祿一倍便以當土物准度
給之又陸奧筑紫邊塞之民數過煙塵收勞戎
役加以父子死亡室家離散言念於此深以矜
懷宜勿出當年調庸諸國軍衆親帥戰兵殺獲
逆賊乘勝追北者賜復二年身犯矢石身死去
者父子並復一年如無子者昭穆相當鄉里者
議亦聽復之又京及諸國因官人月俸收斂輕
稅自今以去皆悉停之隨令給事力不得遠役

他致使艱辛若有取課一月三十錢又除定額
外內外文武散位六位以下及勲位年五位以
上子孫並令納資便成番考此則雖積考年還
乏衣食宜始今年不須發資人々歸田家々貯
穀若有豐稼猶納資成考者悉聽之其五位以
上子孫年二十一以上取蔭出身並依常例因
結告麻牒公驗一同分番之法奏可之○戊戌
詔曰沙門行善負愛遊學既經七代備嘗難行

解三五術方歸本鄉祿賞良深如有修行天下
諸寺恭敬供養一同僧綱之例又百姓沙門道
藏寔惟法門神領釋道棟梁年逾八十氣力衰
耄非有束帛之施豈稱養孝之情哉宜所司四
時施物絕五疋綿十屯布二十端又老師所生
同籍親族給復給僧身焉○辛丑以正四位下
阿倍朝臣廣庭為左大弁正四位上多治比真
人縣守為中務卿從五位上石川朝臣君子為

侍從從五位下紀朝臣為臣麻路為式部少輔
從五位下下毛野朝臣虫麻呂為食外少輔從
四位下坂合部王為治部卿從五位下御炊朝
臣人麻呂為兵部少輔從五位下當麻真人大
名為刑部大輔從四位下內部王從五位下紀
朝臣國益並為大判事從五位下布勢朝臣廣
道為大藏少輔阿倍朝臣若足為木工頭從四
位下藤原朝臣麻呂為左右京大夫從四位上

百濟王南典為播磨按察使從四位上石川朝
臣石足為太宰大貳從五位下縣犬養宿祢石
次為右衛士佐割信濃國始置諏方國○癸卯
始置左右兵衛府醫師各一人○秋七月己酉
始令文武百官率妻及姊妹會於六月十二月
晦大稜之處○壬子征隼人副將軍從五位下
笠朝臣御室從五位下巨勢朝臣真人等還歸
斬首獲虜合千四百餘人○庚午詔曰凡鷹

靈圖君臨宇內仁及動植恩蒙羽毛故周孔之
風尤先仁愛李釋之教深禁殺生宜其放鷹司
鷹狗大膳職鷓鴣諸國鷄猪悉放本處令遂其
性從今而後如有應須先奏其狀待勅其放
鷹司官人并職長上等且傳之所役品部並同
公戶○八月辛卯改攝官記事号為檢事○癸
巳置長門按察使管周防石見一國又以諏方
飛驒越前美濃按察使出羽越前陸奥按察佐渡越

越前按察隱岐出雲按察備中按察
紀伊按察大和國守焉○九月己卯
安殿遣使供幣帛於伊勢太神宮并
以皇太子女井上王爲齋內親主○冬
十月癸未太政官處分唱考之日
三位稱卿四位稱姓五位先名
後姓自今以去永爲恒例○丁亥
太上天皇召入右大臣從二位長
屋王參議從三位藤原朝臣房前
詔曰朕聞万物之生靡不有死此

則天地之理奚可哀悲厚葬破業
重服傷生朕甚不取焉朕崩之後
宜於大和國添上郡藏寶山雍良
岑造電火葬莫改他處謚号稱其
國其郡朝廷馭宇天皇流傳後世
又皇帝攝斷萬機一同平日王侯
卿相及文武百官不得輒離職掌
追從喪車各守司視事如恒其近
侍官并五衛府務如嚴警周衛伺
候以備不虞○戊子柴田郡置新
田郡○庚寅太上天皇又詔

便并合是日新羅貢調使大使一吉食金亂安
副使薩金食金弼等來朝於筑紫緣チヅリ 太上天

皇登遐從太宰放還ヲクハス

大將高麻呂人共營刻事○山酉ノ太上天皇
續日本紀卷第八

一獻對國書之圖○其京終二廿長國王御三

經書○三取龍平平城宮中御嬪御春輝六下

